



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Antonii Sucquet E Societate Iesv Via Vitæ Æternæ**

**Sucquet, Antoine**

**Antverpiae, 1630**

Cap. 24. de delectationum appetitu moderando

[urn:nbn:de:hbz:466:1-54856](https://nbn-resolving.org/urn:nbn:de:hbz:466:1-54856)

*Cavendum  
ut aliena  
quis possi-  
deat.*

Primò, recense bona tua, & vide num quæ mixta sint aliena; ne hæc, velut tinea, tua consumant, ne verò tuis fur appropiet, transmittre crebrò manu pauperis in calum, ibi domum, ibi agros compara æternos.

Secundò, delibera cum prudentibus, quomodo impendere tua maximo lucro possis pro tuâ tuorumque salute.

*Aemulare  
filios sæculi.*

Tertiò, secularium mercatorum industriam non tantum æmulare, sed si potes, cum de æternitate agatur, supera.

Quartò, ut illi rationes subducunt lucri temporalis, sic tu spiritualis

Quintò, ut illi certos institutores habent, sic tu pauperes, quibus compares tibi æterna tabernacula. Ut illi non uno in loco, sed ubicunque possunt, colligunt pecuniæ fructum, sic & tu collige undecunque liberalitatis thesauros.

*Dignatus es*; &c. ut sup. pag. 10.

### JACVLATORIE.

*Psal. 72.*

*Psal. 5.*

*Psal. 8.*

*Psal. 141.*

*Matth. 16.*

*Q*uid mihi est in celo, & à te quid volui super terram?

*D*ominus pars hereditatis meæ & calicis mei.

*E*t quæ est expectatio mea? nonne Dominus?

*P*ortio mea Dominus sit in terra viventium.

*Q*uid prodest homini, si universum mundum lucretur, anima verò sua detrimentum patiatur?

### CAPVT XXIV.

*Deliberatio de delectationum appetitu moderando,  
tertio auxilio in viâ Dei.*

*Sap. 4.*

**H**OMO. O quàm pulcra est casta generatio cum claritate! immortalis est enim memoria illius, quoniam apud Deum nota est, & apud homines: cum præsens est, imitantur illam; & desiderant eam cum se eduxerit, & in perpetuum coronata triumphat incoinquinatorum certaminum præmium vincens. Sic sonat in auribus vox tua dulcissima, Christe Jesu, & afficit intima cordis mei: verumtamen cum in omni vitæ genere dederis, ô Bonitas infinita, unde gaudeat cor hominis, & rursus intonet Apostolustus: Qui Christi sunt, carnem suam crucifixerunt cum vitiis & concupiscentiis suis; quid faciam ô magni consilii Angele, ô

*Gal. 5.*

*Sapien-*

Sapientia æterna? trahit me voluptas, periculosa esca, quã multos aduersarius inescat & in interitum rapit.

CHRISTVS. Fili, dixi ego veritas. Qui non odit patrem & matrem, insuper & animam suam, non potest meus esse discipulus. Credis hoc? Nõnne vides, quia transit mundus & concupiscentia eius, & transit velut umbra? ò si amaritudines quibus condiuntur mundana gaudia, degustares? clamares utique mortem in olla esse, neque edere ex eã neque bibere posses de calice hoc, cuius fœx non est exinanita, ex quo bibunt omnes peccatores terræ. Quid enim sunt voluptates corporis & sensuũ, videre, audire, sentire? nihil aliud quàm momentaneum aliquod gaudium, idque de re extra vos longè posita, quæ vobis tantummodo per solam sensuum cognitionem conjungitur, neque tamen unquam verè possidetur. Imò attende, & vide quàm vana sit voluptas & omnia. Ecce licet Rex esses, & tamen regnum te possidere ignorares; nihilo felicior esses, quàm si eo careres. Vel è contrario, si fingeres te Regem esse, vel regnum habuisse, eodem modo te fictio, sicut res ipsa vera afficeret. Hinc qui se beatum putat, etiam si verè miser sit, gaudet, uti beatus: Qui verò se miserum putat, miser est etiam si bonis omnibus affluat; ut avaro inter opes accidere solet, & ambizioso inter honores, & delizioso inter delicias, quarum extrema major amaritudo semper occupat. Vbi verò sis si attenderes, in valle scilicet lacrymarum, exilio, carcere, putas liberet deliciari tibi, quem licetor ad portam, ut ducat, expectat? *Aspira*, ut sup. pag. 8. *Haccine firmã*, &c.

HOMO. Magnam omnino sentio vim esse voluptatis, cheu per eam video columnas cæli, & stellas cecidisse, & totus contremisco. Adamum unius pomi voluptas, Esauum pultis cepit, & perdidit: & quos non libido supplantavit? Davidem sanctissimum, sapientissimum vicit Salomonem, & fortissimum Samsonem superavit. Video, Domine, nemo continens esse potest,

Bb 4

nemo

Luc. 14.  
Voluptates  
amaritudine  
condiuntur.  
1. Ioan. 2.  
4. Reg. 4.  
Psalm. 74.

Gen. 25.

nemo deliciis, nemo vitiis abstinere, nisi tu dederis.

*Hæcine vera, ut sup. pag. 7.*

*Voluptatis  
& abstinencia  
effectus,  
2. Cor 3.*

*Iob. 18.*

*psalm. 37.*

CHRISTVS. Hoc est sapientiæ initium & salutis, scire & cognoscere quòd non sitis sufficientes aliquid ex vobis tamquam ex vobis cogitare. sufficientia enim omnis vestra ex me est. Vide tamen quid ad salutis operatum finem conferat voluptas, quid abstinencia. illa hominem enervat, mollem facit, & velut in viâ viatorem quidem momento reficit, sed sæpè tardantem cælesti patriâ excludit. quis enim faciliè modum voluptati ponit? in tam lubrico loco quis consistit? & ut possit, non invenitur sapientia in terrâ straviter viventium. Finge hominem qui cum Salomone nihil deneget oculis suis, & abeat in viam concupiscentiarum suarum; quid in illo, nisi imaginem prodigi reperies? Videre omnia ardet, & sitim non restinguit; audire, & semper plura avet cognoscere; vult gustare, & rursus gustata desipiunt; trahitur in omnem partem, & ut Euripus agitur: modò videre vult, modò audire, modò ambulare: vicissitudo in omnibus placet, non tamen placat appetitum, sed accendit ut oleum camino additum, nulla ibi virtus, non modestiæ decor, non temperantiæ splendor, non tranquillitatis cælestis imago; sed multis dominis servitatem serviens, in partes trahitur, nulli-que satisfacit, nusquam quiescit, sibi gravis, sibi ipsi displicet & fastidio est. hoc unum agit, & nihil agit, quando inutilibus se onerat & exonerat. Et quemadmodum turpe foret uni colori & saporì omnem intendere sollicitudinem; ita etiam variis: varias etenim cupiditates induere non est laudabile, sed magis vituperio dignum. Ille autem id agit, & variis sese subdit, ac quasi brutorum formam induit, qui gaudet ut canis de luxuriâ, de voracitate & voluptate ut porcus exultat. Nonne id monebat Propheta meus dicens, Nolite fieri sicut equus & mulus?

*Hæcine vera, &c. ut suprà pag. 7.*

*Hor.*

HOMO. O quanto melius esset generosè seipso esse majorem, & terrenis his excelsiorem animum gerere? *Voluptates vincula.*  
 Quis libero amico eam perpetuam servitutem suaserit, tot vincula, tot compedes, quibus si non in interitum, in mille molestias trahatur? At verò qui in his temperatus est, nullius nisi tui Domine IESV indiget, liber est libertate sanctâ, & tibi propiùs accedit, qui nullius omnino indiges: & quemadmodum si quis omnia in se haberet, felix esset; ita proximè ad felicitatem accedit, qui gratiâ tuâ paucissimis indiget, eaque accipit de manu tuâ, cùm de nullis, non cibo ventris sui, non potu, non recreatione sollicitus sit; sed quomodo placeat tibi, ille quovis ire, & in cælum cogitatione cùm liber, abire potest, non istis illigatus quæ aggravant & deprimunt animam nostram.

CHRISTVS. Cùm verò ad mortem venerit homo, quantam putas abstinuisse etiam licitis iucunditatem, summamque pariet in ejus mente fiduciam? & capiet dulcissimum ex eo solatium, ed quòd sponte pridem amore mei dimissum sit, quod tum necessariò dimittere oportebit. Quàm gaudet tunc, qui multa negavit oculis suis, qui pepigit cum iis fœdus ne cogitarent de *Iob. 31.* virgine! tum enim clarè videt nihil esse omnia mundi gaudia, & ludibria, & pro nihilo ferè omnes homines insanire & perire.

HOMO. Sed tamen, nōne licita multa in hoc genere sunt, ô æterna Sapiencia?

CHRISTVS. Sunt utique, sed diligenter cavendum est, ne dum relaxare animum vultis, solvatis omnè harmoniam, & quasi concentam quendam bonorum. Sane necesse est recreari corpus, & animi arcum non perpetuò tendere. verùm eæ recreationes eligendæ, quæ ab illicitis longiùs dissident: ne qui in confinio peccati ambulat, & periculum amat, pereat in eo. Vide etiam ut *Animus interdum relaxandus.*  
 qui illicita multa commisisti, etiam à licitis aliquibus *Amb. lib. 13. Officiorum.*  
 abstineas. *Eccli. 3.* *nōne*

nónne meo Domini tui crucifixi? Et tu mundo talem te probare poteris, si indulgeas cupiditatibus tuis?

*Galat. 5.*

HOMO. O dulcissime JESV, & quidem si voluptas, placet; nónne magis debet æterna? nam, ecce, si hæc visus vel auditus vitavero, æternam mihi promittis. Et quomodo, si hæc credimus, non libentes mortificamus carnem cum vitiis ac concupiscentiis suis?

*Credo tibi, &c. ut su. pag. 7.*

*Sanctorum  
solatia.*

CHRISTVS. Nónne hoc Sanctos meos in eremo solitarios, consortio & solatio hominum ut sponte se privarent effecit? sæpè toto vitæ tempore, sæpè annis multis austeritatis & silentii observantissimos, severos sensuum custodes? quod jam multis sæpè cohortationibus, regulis ac statutis à Religiosis aliquando aut vix, aut non potest impetrari. Quid causæ est?

*2. Reg. 23.*

*Hebr. 11.  
1. Cor. 9.*

HOMO. Tu nosti, Domine, imperfectum & tepiditatem nostram, odibilem quidem tibi, sed & sanabilem. O quàm rectè ad hoc quidam per te dixit: Si spectaculis interioribus non careres, nunquam ad exteriora exires, si vacares, aut voluptate abstraheris, quæ quantumcumque sæda, tamen trahit. Nónne ideò vix, ô JESV, vix potest videri in multis detractionis & maledicentiæ emendatio, eò quòd solùm pruritus, eheu, quispiam sit, & delectatio in alterius ulcere, fardibusq; fodicare? Qui verò viri virtutum fuerunt, carnem suam crucifixerunt cum concupiscentiis suis. Ideò David aquam effundens olim sacrificavit toto corde tibi, & Moyses grandis factus elegit magis affligi cum populo Dei, quàm temporalis regni habere jucunditatē. Paulus verò tuus castigabat corpus suum, & in servitutum redigebat, ne fortè, cum aliis prædicasset, ipse reprobus efficeretur. Similiter & omnes Sancti tui quo Spiritu ducti? quo impuls? Quid verò magis pudere Christianos debet, quàm quòd Ethnici etiam oculos à formâ præstantiore, & aures à petulanti sermone, & manus sæpè ab avaritiâ abstinebant, qui paulò plus cordis habe-

*Ethnicorum  
modestia.*

*bani*

bant? Jam verò, Domine JESV, quasi cum Epicuro laxasses habenas omni voluptati. sic multi passim pro-  
ruunt in sensuum curiositates & oblectationes: & eheu,  
si negentur, gravis illis afflictio, & tamen discipuli tui  
dici & haberi volunt. Ethnici voluptatis regnum cum  
virtute consistere non posse asserēbant; neque in Re-  
publicā voluptuosos, qui ei servirent idoneos, sed pro-  
brosos. Quid verò de Christianis multis dicemus? Do-  
mine JESV, ô Sapientia æterna, an confiteri fratres po-  
teris coram Patre tuo, quos ad eò degeneres vides ab  
exemplo tuo? quid enim nos aliud totâ vitâ docuisti,  
quàm deliciarum affectum moderari? eligisti enim  
quod carni molestius est: id ergo melius, id utilius, id  
magis eligendum, & quisquis aliud docet, vel suadet, ab  
eo tamquam seductore cavendum est.

*Voluptas  
Christi ex-  
emplo fu-  
genda.*

*Bern. ser. 12  
de Nat.*

*Quare tam  
pulcer calo-  
rum aspa-  
ctus.*

*Credo tibi, &c. ut sup. pag. 7.*

Nonne etiam idcirco tot innoxias voluptates & ob-  
lectationes in pulcerrimo cælorum aspectu dedisti no-  
bis, totque quotidie producis liberalissimâ manu tuâ  
herbarum & fructuum genera? ut saltem velut in Para-  
diso Adamum oportuit, abstinentiam à paucis & parvis  
libentes tibi dicemus. Sed ô insaniam! quærit homo  
gaudium & quietem, ubi certò inveniri non potest, in  
fædo lacu scilicet vanitatis: an enim satiatur unquam  
oculus visu, vel auris auditu impletur? Et certò scitur,  
quod qui biberit ex lacu voluptatis, sitiet iterum, & ma-  
gis sitiet, ita ut ipsamet in tormenta oblectamenta ver-  
tantur, desideriumque nascatur bibendi, & habendi in-  
tolerabile & insatiabile. Quando, ait gulosus, evigila-  
bo, & rursus vina reperiam? & licet voluptas, ut ait Ber-  
nardus, videatur esse medicamentum, tamen facit ad  
infirmi-  
tatis augmentum, ipsumque medicamentum in  
vulnus vertitur.

*Eccles. 2.*

*Bernard.*

*Aspira, ut supra pag. 8. Hæcine firmâ fide credo, ibid.*

CHRISTVS. Unde Sapiens meus meritò ajebat: In-  
veni amariorē morte mulierem. quod ad omnem  
meritò

*Eccles. 7.*

*Iob. 20.*

meritò voluptatem transferre potes, in quâ pereunt robusti Israël, & cùm satiati fuerint, arctantur, & omnis dolor irruit super eos. Ebrietas enim unius horæ hilaritatem insaniam nonne longi temporis tædio pensat?

*Seneca.*

*Oratio.* HOMO. Itaque si delectari liber, delectari in te, Domine, cupio, & scio dabis mihi petitiones cordis mei: & si medico præcipiente ob valetudinem aliquibus abstinco, quanto magis propter te, Deus meus, qui tam severè eam voluptatem in parente nostro castigasti, & in nobis filiis ejus etiamnum post tot sæcula castigas? Teneat alii tympanum, & citharam, & gaudeant ad sonitum organi; ego verò delectabor in te, Domine, & replebis me lætitiâ cum vultu tuo. Vivant licet sæculi filij in deliciis: meliùs longè mihi adhærere Deo meo, & voluptas mihi maxima erit propter te carere voluptate, ut gustare possim & videre, quàm suavis sis, Domine Deus meus, & diligere te ex toto corde meo, quod totâ animâ meâ in æternum desidero, ô gaudium nostrum, ô pax & requies mea sola & unica, Amen.

*Iob. 21.**Meditatio I. De Castitate.*

COMPOSITIO LOCI. Erit spectare Christum Dominum, quem B. Virgo, & tot myriades virginum in celesti palatio sequuntur.

*Præstantia castitatis.**1. Cor. 7.*

PUNCTVM I. Considera præstantiam hujus virtutis, quantam animo pariat tranquillitatem & felicitatem: adedò ut Philosophus Plato diceret hominum vitam fore instar deorum, si absque uxoribus homines esse possent. Secundò, contrarii vitii molestias: nam verè omnino experiuntur tribulationem carnis voluptatum amatores. Tertiò, collige dignitatem illius ex precio quod pro ea sapientissimi dederunt. Quot enim virgines & Sancti, pro hac ex Christi amore vitam prodegerunt? Aspice Agnetes, Catharinas, Barbaras, & totum virginum chorum. An hos, an mundum falli putas? Quòd si martirium iis defuit, domesticum quaesierunt, id est



id est mortificatione durâ, & asperâ vitâ servare puritatem studuerunt. Collige Quartò precium ejus ex difficultate, quâ totus ferè mundus superatur: unde etiam cum tanta foret ac supra naturam, consilii Deus opt. max non præcepti esse voluit. Considera Quintò, quòd sit signum prædestinationis, ideoque castos vasa honoris appellari. *Hæcine vera*, ut su. p. 7.

*Castitas est  
signum electionis.  
1. Thess. 4.*

PUNCTUM II. Considera privilegia castitatis. Primò homines Angelis similes facit, imò, quia hi sine corpore sunt & luctâ, casti superiores iis sunt, juxta S. Bernardi sententiam. Secundò, ab Angelis castus cingitur & custoditur, ut pueri illi in camino, & percipiunt quasi vêtum roris flantem, ac restinguentem ardorem libidinis. Tertio, Deo gratissimus est castus, ejusque deliciae, ut Basilius ait, sunt esse cum castis. hinc B. Virgo electa è millibus, B. Joannes præ cæteris dilectus. Quartò, anima casta desponsatur à Christo in fide & misericordiâ, & suavitate spiritali pro carnali perfunditur; ut centuplum verè in hac vitâ accipiat, cum innumeris miseriis liberetur, & plurimis bonis cumuletur, ideo eunuchis Dominus promittit nomen melius filiis & filiabus, & quòd fors illorum erit in templo Dei acceptissima.

*Privilegia  
castitatis.*

*Basil lib. de  
vera virginitate.  
Osca. 2.*

*Isaia 56.*

*Aspira*, ut sup. pag. 8. *Hæcine firma fide*, ibid.

PUNCTUM III. Considera castitatem aptissimum facere hominem amoris Dei, ob libertatem quâ fruitur; alligatum verò uxori corporis sui potestatem non habere: qui enim sine uxore est, cogitat quæ Domini sunt, quomodo placeat Deo; qui cum uxore est, divisus est. Secundò, quia anima casta Christum sponsum habet in celo, Verbum Dei in ipso sinu Patris; ipse enim virgo virginem elegit. Tertio, attende quòd similes Deo faciat: incorruptio enim facit proximum Deo, & speculû mundum. Credis hoc & adhuc te trahit vana voluptas, & à Deo retrahit? Quartò, quòd sacrificium sit, quòd, ut dicit Origenes, nihil Deo est gratius, nihilque ad illum nobis conciliandum aptius. Quintò, quòd ut D. Hier.

*Effectus castitatis.*

*1. Cor. 7.*

*Castitas anima Christi sponsa.*

*Ambr. li. 2. de virgin.*

martyr

*Lib. 1. de  
virgin.*

*Apost. 14.*

*Magnâ curâ  
servanda  
castitas.*

*Bern. serm. 1.  
in fest. SS.*

martyrio castitas comparetur, immò Martyres faciat. Sextò, quòd præmium virginibus summum tribuat in cælo, ut sequantur agnum quocumque ierit, & cantent ei canticum novum. Considera deinde, quantâ curâ ea gemma servanda sit ob innumera ferè pericula; quam fugienda propterea omnis occasio, & familiaritas cum dispari sexu. Attende verò humilitatis tibi custodiâ esse adhibendam, & vide quo pacto id facias. Præterea ob-  
serva sedulò, & diligenter cole obedientiam, qui talem invenit anima inferiorem suam, ut Bernard. qualem se exhibuerit Superiori, & rebellionem carnis dicit arguere inobedientiam. Quartò, voti crebra renovatio etiam juverit plurimùm eos qui illud nuncupârunt.

*O Beatissima, ut infr. pag. 400.*

*Meditatio II. de Castitate.*

**C**OMPOSITIO LOCI, Considera Beatissimam Virginem stipatam virginibus, in cælo coruscantem.

*Quomodo  
peccetur con-  
tra castita-  
tem.*

*Signa casti-  
tatis.*

*Greg. 11.  
Mor. c. 8.*

*Folia lilii  
castitati.  
Immunditia  
fœditas.*

**P**VNCTVM I. Considera peccati contra puritatem Angelicam; Primò, cogitatione impura; Secundò, verbo quocumque modo huc vergente; Tertio, quinque sensuum blanditiis. Signa autem castitatis sunt: Primum, oculos, linguam & aures, habere bene custodita. Secundum, magnâ parcitate iis uti, quæ sensibus delectabilia, & rejicere mollia. Tertium, puritas in ore. Quartum, puritas in amicitiiis, vitando mulierum familiaritatem, colloquia & munuscula. Quintum, fuga omnium quæ huic virtuti adversantur, ut iræ, superbiæ, cõfortiorum. Sextum, puritas in cogitationibus & motibus, in somno & vigiliâ. hæc folia sunt lilij castitatis.

**P**VNCTVM II. Considera vitii turpitudinem, vidento corporis nostri originem, quod est fœditatum & mille morborum seminarium fœditissimû, & vermium denique pabulum. Fige ibi oculos, & colliges vitii fœditatem, adeò magnam, ut natura ipsa semper latebras querere docuerit. Attendè contrâ, animæ dignitatem,  
& cre-

& crede certò ejus delicias longè puriores: & detestare corporales ut illis fruaris, & ad cælestes animum transferas. Secundò, considera effectus hujus. Hi sunt cæcitas mentis, inconsideratio, inconstantia, præcipitatio, amor sui, odium Dei, affectus præsentis sæculi, & horror ac desperatio futuri. Denique præ cæteris omnibus hominem ad omnia indigna cogit hoc vitium, & est, ut B. Job, ignis usque ad perditionem devorans. Tertiò, vide in quot mala ruant homines hoc igne succensi, in quot famæ, virium animæ & corporis detrimenta. Bestiis illos omnino similes facit, etiam judicio Ethnicorum: estque inexplebilis prorsus libido, & inextricabilis. Considera Christum Dominum quasi coram te oculis & toto habitu corporis spirantem hanc virtutem, & deinde Sanctos ejus: vide ut oculos servârint, curiositatem oderint, occasiones omnes vitârint, tentationes vicerint, ut S. Bernardus, Benedictus, Thomas, Edmundus, Xaverius; & contrâ, quàm graves ruinæ fuerint eorum, qui minùs circumspecti fuerint, etiam si sancti, ut Davidis, Salomonis, Samsonis, & aliorum de quibus Augustinus, Cedros Libani, duces gregum sub hac peste luxuriæ cecidisse reperi; de quorum casu non magis suspicabar quàm de Ambrosii vel Hieronymi impudicâ turpitudine: & tu audes in ætatis flore, pleno ventre, corpore benè curato, in mediis periculis castum & purum te sperare?

Greg. lib. 37.

Mov. c. 17.

Luxuria effectus.

Job. 31.

Ruina multorum in luxuriam. De verb. Domini.

Hæcine vera, ut sup. pag. 7.

PUNCTUM III. Considera, quomodo Deus in hoc mundo punierit istud vitium. Primò, diluvio universalis; Secundò, Sodomæ everfione; Tertiò, viginti quatuor millium Israëliitarum deletione, filiorum Heli perditione, Salomonis exitio, Davidis persecutione à filio institutâ, Samsonis ruinâ, &c. Considera deinde pœnas, quibus ob momētaneum quod delectat, æternùm crucientur impuri in inferno. Cogita, luxuriose, cogita, obsecro, frater, pœnas illas & flammæ, & his turpes cum

Impudiciæ pœna.

Gen. 7. 19.

Num. 22.

1. Reg. 4.

3. Reg. 11.

2. Reg. 15.

Judic. 16.

cum

etum gratiâ Dei exstingue; descende in stagnum ardens; & animum refrigera ardoribus sempiternis. Aspice, & dic obsecro, hæc credis? & tamen præ Christo eligis diabolum, præ vitâ mortem, pro momentaneo gaudio æternum luctum? Credis? credis? & non stupes? & non liquefcit anima tua amore ejus, qui pro te mortuus est, ut in æternis deliciis viveres in æternum?

## E X E R C I T I V M.

**O** Beatissima Virgo, & omnium Regina, spes nostra post filiolum tuum unica, respice quæso benignissimo oculo tuo luctus nostras, & prælia filiorum Adam: tu vides quomodo mediis in fluctibus, & hostibus vivamus, imò nobiscum hostem portemus, & nutrire ac fovere cogamur carnem nostram, cum nemo carnem suam odio habeat. Et quis evadere poterit tyrannidem illius? Ecce Davidem sanctissimum virum, & secundum cor Dei, sapientissimum Salomonem, fortissimum Samsonem superavit. Quis igitur vincere poterit? O quot millia bellua ista voravit, & in infernum hac etiam hora præcipitavit! O quot in iudicii die secreta hominum patefient flagitia, quorum pietas videbatur esse conspicua! hæc enim est universitas iniquitatis, qua inflammat totam nativitatē nostræ, inflammata à gehennâ. O infelices nos! Anima mea, quam tam dirus premit hostis, & nullo umquam tempore deserit, descende in infernum, & si libet torreri æternum, ut momento corpori indulgeatur amarissima voluptas, perge, neque occasiones vitæ, ama periculum, & peri in eo.

**Præter. 9.**  
 Applicatio  
 ad Com-  
 munionē.

Verum freno potiùs illud compesce, & erige te ad sponsum tuum, cujus deliciae sunt esse cum filiis hominum. Qui & hodie paratus est cœnare tecum, & præbere tibi cor suū. Et poterit fieri, ò amator hominum, ò Salvator mi, ut potiùs libeat mihi volutari in porcorum volutabro, quàm amplexibus tuis, & gaudiis frui Angelorum, quàm similem esse illorum? Recordare, ò anima, Creatoris tui, & nobilitatis tuæ, & noli degeneri animo, ut corpori servias, crudeliter te jugulare, sed, fuge, fuge: in fugâ salus est, & victoria; in asperis dulcedo, in duris suavissimum solatiū. O Angeli Custos, qui me dignaris custodiâ tuâ, ò celestis paranymphe

nympha anima mea, averte queso semper oculos meos, ne videant vanitatem, ne oculus meus depradetur animam meam; percutiat me timor Dei mei, & trahat me funiculus charitatis eius, & fac semper reverear oculos eius, & presentiam tuam, ne unquam irideant me inimici mei, O IESU dilectissime, amore tui millies mori malo, quam tibi fidem in Baptismo datam, & toties renovatam vel levi peccato violare.

O Redemptor mi, & dulcissime IESU castissime sponse animarum nostrarum, cuius frumentum electorum & vinum germi-  
 nat virgines; tu nosti, quia nemo, nemo potest esse castus; nisi tu dederis. Concede igitur mihi gratiam per caritatem tuam, qua ab aeterno dilexisti me, ut occasiones diligentissime vitem & amore amoris tui libidinis ardorem extinguere possim. Monuisti enim nos, Qui amat periculum peribit in eo, ego vero amare illud nolo, & amari non cupio, nisi abs te, nec amare aliquid extra te, si fecero, tu mihi testis eris, & conscientia mea, neque erit quod excussem: quia scio, scio, ibi ceciderunt fortes Israel, & fugerunt absque robore ante faciem persequentis, cum ignominia sempiterna. Nonne mihi amor tuus omni melle dulcior, & morte fortior, & flammis omnibus potentior, quem aqua nulla possunt oxtinguere, nec flumina obruere? Ecce, amantissime IESU Deus meus, protestor coram te hodie, quia thorum anima mea immaculatam servare volo, neque templum tuum animam meam unquam profanare, sed te quotidie in eo suscipere. Vtinam non dimittas me, neque ego te, donec benedixeris mihi & emarcuerit nervus concupiscentia mea! Absit, absit ut corpus meum membrum tuum, faciam membrum meretricis, & peccem in illud & in te amantissimum Dominum meum. Tu enim pro me toto corpore vulneratus es, & ego corpori meo delicias queram? Tu mihi cor & animam tuam dedisti in mortem ex amore mei, & ego ob voluptatem aeternam doliturus te mihi crucifigam, & contristabo? In aeternum Domine, non declinabo a mandatis tuis, per te, Salva-  
 tor mi, spes mea, fortitudo mea. Pone te ut signaculum super cor meum, ut nullum praeter te diligam: annulo tuo subarrha me, & sanguine tuo orna genas anima mea, quia tibi soli servo fidem, tibi me tota devotione committo. Amen.

Zachar. 9.

Eccli. 3.

1. Corint. 6.

Ambrosi.

*Praxis castitatis conservanda.*

*Optimum  
remedium  
fuga.  
Eccli. 3.  
Cyprian. de  
sing. Cler.  
Basil. in con-  
stit. Monast.  
cap. 4.*

**P** R I M A. Fuga occasionum: si enim uspiam, verum hęc est, qui amat periculum, peribit in eo. ideoque S. Cyprianus aiebat, gustandum cum mulieribus, non continuandam esse præsentiam. Basilius verò, Danda est opera, ut si fieri possit mulierum colloquia funditus fugiamus; si id non possit, in eo emittendum est, ut quàm rarissima illa, & quàm brevissima fiant. Neque existiment seculares, Religiosis hęc tantum convenire, norunt enim an ipi in periculis magis sint tuti, quàm ii quos assidua armat pietatis exercitatio. Certè de R. P. Francisco Borgia refert Ribadeneira, cum, cum in sæculo versaretur, & feminae essent vitandæ, id non nisi postquam cilicio se arctasset, facere solitum.

Secunda. Pravas suborientes cogitationes confestim expellere & avertere, numerando aut fenestræ rhombos, aut tabulati tigilla, aut syllabas versus alicujus, aut ejusmodi animo versando, casuive tristes aut admirandos.

*1. Cor. 9.*

Tertia. Castigare corpus, maxime jejniis: his enim materia ignis illius subtrahitur. Castigo, aiebat Apostolus, corpus meum, & in servitutem redigo.

*Familiari-  
tas vitanda.*

Quarta. Nolle peculiariter a sexu dispari diligi, aut colimò nec alpicì; familiaritatemq; omnem removere, & visitatione etiam Confessarii, nisi necessitas aliud postulet, uti Sancti facere consueverunt. ideoq; non absque discrimine aliã inceditur viã; sermones longi seruntur & crebri, atq; adhærescit animus sensum sine sensu. Licet enim uno eodem uti confessario, Sanctorum sit consilium, affici tamen illi, absentem multum requirere, periculo non caret, & plurimum in viã spiritali nocet.

*Eccli. 33.  
Otium vi-  
randum.*

*Ezech. 16.*

Quinta. Otium diligentissimè vitare. Multum enim malitiam docuit otiositas. Hęc fuit iniquitas Sodomæ sororis tuæ, ait Propheta, superbia, saturitas panis, & abundantia, & otium ipsius, & filiarum ejus.

*D. Bonav.  
lib. 2. de Pro-  
fect. cap. 27.  
Signa amo-  
ris carnalis.*

Sexta. Attende ad signa carnalis amoris, quæ S. Bonaventura collegit. Primum est, otiosas fabulas & inutiles confabulationes miscere, cum spiritualis dilectio ædificatoris collationibus pasci soleat. Secundum, insolentia gestuum & morum: spiritualis amor sedatus, cantus oculos servat, & membra omnia sub norma disciplinæ. Tertium, inquietudo cordis, nata ex absentia ejus quem diligit, cogitando quid agat, ubi sit: spiritualis dilectio hęc non curat. Quartum, impatientia condilecti; zelare, si alteri loquatur, ejus exquirat consilia. Quintum, ira & conturbatio ex levi causa. Sextum, crebra munuscula, & fasciolas, &

las, & zonas, & prægustatos cibos, & dulces ac suaves amoris litteras sanctus amor non habet. Septimum, inordinata dissimulatio vitiolorum, ut etiam mutua vitia diligant. Hæc ille.

*S. Hier. ep. 2. ad Nepotianum.*

Septima praxis & cautela optima; multorum probata experientia est, alium non temerè judicare de hoc vitio. familiare enim est, ut qui de eo alium judicat, juxta illud Apostoli, in eo seipsum condemnet: hoc enim non nisi ex superbiâ manat, quæ sæpè non aliter sanatur quàm lapsu in luxuriam. Exempla hujus moniti vide in vitis Patrum.

*Temerariū  
judicium se-  
dulo cave.  
Rom. 2.*

Octava est, diligentissima sensuum custodia: ab illorum incuria omne malum in animam illabitur. Huc pertinet turpes omnes & nudas imagines ex domo sua eliminare: si enim quod turpe est, juxta Apostolum, non debet nominari inter Christianos, quanto minus spectari ab iis? sed ubiq; ferè, eheu! videas ejusmodi irritamenta proponi. Si esca, ait Paulus, scandalizat fratrem meum, non comedam carnes in æternum; si oculus, si pes scandalizet, jubet Dominus abscindere eum, & projicere abs se. Quis verò istis persuadeat, Veneris instrumentum, elegantem, sed nudam picturam ut projiciant: non vis artem perire, & sanguine Christi emptas animas perdere non formidas: dolens imagines corrumpi eximii artificis, & Dei imagines scèdari; ac gehennæ addici non vereris? O IESV quàm frustra his dixisti, Quid prodest homini si universum mundum lucretur, & animæ suæ detrimentum patiat? Tunc, tunc, ô dulcissima Domina, benignis intueri oculis cum filio potes domum illam, in quâ luxuriæ pabulum omnibus intransibus, & irritamenta nequitiae, perditionisquæ illecebra proponitur? Quorsum enim scèda imago Christiana atria deformat? num ut herus sit memor flagitij patrandi; & spectator advena cupiendi? an ut artem spectet & salutem perdat? Dubio procul his istare dæmonem crediderim, intransium oculos huc convergentem, ut animas venetur incautas, & sub dulci melle ingerat venenum. Quid de pictoribus sentiam, hæc tacitè loquuntur: non sunt hæc idola opera vestra, sed ingeniosam pedicam animarum per vos carum hostis effecit. si hic genius vester magis faveat, ingenium profitemini vestrum. illi in quavis animâ sæpè turpia pingere non licet, sed à vobis in tabulâ perpetuâ & præstanti suæ cupit exstare monumenta nequitiae, & de animis victorias, quibus effecit ut membra Christi membra fierent meretricis. Si doceres & pingeres, quâ patria arte expugnari posset, quâ fiscus expilari, nonne proditoris esses, & sacrilegi si in templo talia proponeres? Quid igitur ne-

*Custodiatis  
sensuum  
habe.*

*1. Cor. 8.  
Matth. 5.  
Marc. 9.*

*Imagines  
turpes quàm  
noxia.  
Matth. 16.*

*Quo fine  
turpes habes  
imagines.*

*Dæmon ad-  
stat turpibus  
ut venator  
esca.*

*Pictores quæ  
peccent.*

*Demonis  
vices obeunt.*

leis animam arcem esse, & Christi domicilium, & eâ maximè parte infirmam quâ carni conjungitur? nescis templum esse Dei, cui tu tales infers imagines? Si tentator desit, tu vices ejus obis, quâ potes, artificii manû & studio. Omittere etiâ nequeo, quin moneam lascivam omnem lectionem esse vitandam, & curiositatem moderandam. Quid quæris scire quod facere est nefas? vix Ethnici cultores Veneris hæc probabant, & laudabit Christianus? At venaris linguarum peritiam: & scilicet mores perdis atque animam. Discere vis bene loqui, & malè vivere? imò malè loqui, & malè vivere? Ex abundantia enim cordis os loquitur, & quorsum ista leguntur, nisi ut narrentur, & disertus esse videatur in amore, & sapè etiam versatus in officinâ nequitia, ut fallatur tempus preciosissimum, & pereant animæ, ut sit in medio earum puritatis hostis, quando illius amator, filius Virginis, per inepta & obscena verba faceßere justus est?

*Dignatus es, ut sup. pag. 10.*

*Lectio lasciva pestilens  
& sermo.*

### JACVLATORIÆ.

*Psal. 118.*

*Confige timore tuo carnes meas, à judiis enim tuis timui.*

*Psal. 37.*

*Non est sanitas in carne meâ, à facie ire tuæ: non est pax ossibus meis, à facie peccatorum meorum.*

*Ibidem.*

*Domine, augete omne desiderium meum, & gemitus meus à te non est absconditus.*

### CAPVT XXV.

#### *Meditatio de Modestia.*

*Modestia  
bona.*

**M**ODESTIA corporis ad animi tranquillitatem & ordinationem mirè omnium sapientum judicio conducit: de eâ igitur, qui proficere desideras, seriò cogita, eamque omni cum diligentia complectere ac sapè de eâ meditare.

COMPOSITIO LOCI erit, coram Domino te aspiciere, ac si recens creatus esses, & corpus cum membris accepisses, ut iis ad gloriam Domini utereris, & arma essent justitiæ, non iniquitatis, ut Apostolus loquitur.

*Roman. 6.*

*Quid sit  
modestia, &  
quomodo  
contra eam  
peccetur.*

PUNCTVM I. Considera modestiam virtutem esse, quæ decorum in motibus & gestibus, potissimum nutibus oculorum servat, habitâ ratione personæ, loci & temporis. Peccatur contra hanc rufficitate, mollitie, petulantia & affectatione, attende percurrendo actiones tuas,